

Қазақ тілі мен әдебиеті

6-сынып

Бөлім: Астана – мәдениет пен өнер ордасы.

Ә.Ысқақ «Күн ұлымын»

15-сабақ

Тақырыбы: «Мәңгілік ел» ескерткіші нені
бейнелейді?

**Сабақтың
мақсаты:**

6.5.1.5. Етістіктің шақтарының
қызметін білу, ауызша және жазба
жұмыстарда қолдану.

Бағалау критерийі:

- мәтін мазмұнын түсініп, диалогті толықтырады.
- мәтін бойынша деректі және дерексіз зат есімдерді табады.

Жаңа сөздер:

жасампаздық - созидание

қақпа - ворота

кереге – решетчатая стена юрты

қастерлі - реликвия

рухани - духовный

көріктендіру - украшать

тыныс-тіршілік - жизнь

өнерлі - талантливый

АЙТЫЛЫМ.

1-тапсырма. Сурет бойынша бірнеше сұрақ дайында.



Дескриптор:

- сурет бойынша бірнеше сұрақ дайындайды.

Жазылым.

2-тапсырма. Сұрақтарға жауап жаз.

1. «Мәңгілік ел» идеясын қалай түсінесің?
2. Мәңгілік елге айналу үшін Қазақстанда қандай жұмыстар атқарылуда?
3. Сен Қазақстанның болашағына қандай үлес қосасың?

Дескриптор:

- сұрақтарға жауап жазады.

ОҚЫЛЫМ. 3-тапсырма. Мәтінді түсініп оқы. Мәтінді мазмұнда.

«Мәңгілік ел» ескерткіші жасампаздық қақпасын бейнелейді.

Салтанатты қақпаның маңдайында мемлекеттік рәміз – Елтаңба, шаңырақ, киіз үй керегелері, күн шұғыласы, алтын жалды қанатты пырақ бейнеленіп, «Қазақстан» деген сөз жазылған.

«Мәңгілік ел» салтанат қақпасы – айрықша сәулет ескерткіші.

«Мәңгілік ел» жазуы қақпаны көріктендіріп тұр. Арқа ұлттық оюмен безендірілген. Абыз ақсақал мен өнерлі қазақ халқының рухани өмірінің тыныс-тіршілігін білдіреді. Қақпаның бір жағына Қожа Ахмет Ясауи кесенесіндегі тайқазанның көшірме үлгісі орнатылған. Мұнымен қоса онда қазақ жауынгерінің бес қаруының бірі – қалқан бейнеленген.

Қақпаның бір қабырғасы Тәуелсіздікке арналған. Онда Егемендік туралы декларация көрсетілген. Бұл қабырғада «Ақорда», «Бәйтерек» секілді маңызды нысандардың суреттері салынған.

Дескриптор:

- мәтінді түсініп оқиды.
- мәтінді мазмұндайды.

Тапсырмаларды орында!

1. Мәтінге тақырып қой _____

2. Деректі және дерексіз зат есімдерді тап.

деректі зат есімдер	дерексіз зат есімдер

Дескриптор:

- мәтінге тақырып қояды.
- деректі, дерексіз зат есімді табады.



Айтылым.

4-тапсырма. Диалогті толықтыр.

-?

- «Мәңгілік ел» ескерткіші жасампаздық қақпасын бейнелейді.

-?

- Салтанатты қақпаның маңдайында қазақ халқының болмысын бейнелейтін мемлекттік рәміз – Елтаңба бейнеленген.

-?

-«Мәңгілік ел» салтанат қақпасы – айрықша сәулет ескерткіші.

-?

- Салтанат қақпасының биіктігі – 20 метр, ені – 13 метр.

-?

- Арка ұлттық оюмен безендірілген.

-?

- Қақпның бір қабырғасы Тәуелсіздікке арналған.

Дескриптор:

- мәтін бойынша диалогті толықтырады.



Жазылым.

5-тапсырма.

Жақша ішіндегі тиісті етістіктерді дұрыс тұлғада қойып, сөйлемдерді көшіріп жаз.

1. Ол жасампаздық қақпасын (білдір, бейнеле, суретте).
2. Ол елдік талап пен сәулеттік талғамға (жауап бер, айтып бер, сұрап бер).
3. Қасбетінде абыз ақсақал мен данагөй ананың, қаһарман батыр мен елшіл жауынгердің қола мүсіндері (бейнеле, қойыл, беріл).
4. Қақпаның бір жағына Қожа Ахмет Ясауи кесенесіндегі тайқазанның көшірме үлгісі (жатқыз, орнат, қойыл).
5. Егемендік туралы декларация (жазыл, кіргіз, көрсет).

Дескриптор:

- етістіктерді дұрыс тұлғада қояды.
- сөйлемдерді көшіріп жазады.

АЙТЫЛЫМ.

6-тапсырма. Мәтіндегі ақпаратты «Төрт сөйлем» тәсілін пайдаланып айт.

Пікір: Оқыған мәтін бойынша пікіріңді бір сөйлеммен жаз.

Дәлел: Пікіріңді бір сөйлеммен дәлелде.

Мысал: Пікіріңді өмірмен байланыстырып, мысал келтір.

Қорытынды: Тақырып бойынша қорытынды жаз.

Дескриптор:

- «Төрт сөйлем» тәсілін пайдаланады.

Кері байланыс



Оқу тапсырмасы:

1.Сөздікті жаттау.

2.107-бет. 4-тапсырма. Мәтінді мазмұндау.